

## Ko chivi chakanyanya mulislam ndechipi?

Kushumira vamwe vamwari, kana kumusanganisa nechimwe chinhu, kana kuzanisa chimwe chinhu naMwari chivi chakakura mulislam. Izvi zvinosanganisira kupa chimwe chezvimiro zvaMwari kune zimwe zvinhu kana vanhu (semufananidzo, zviumbwa); kutaura kuti Mwari vane mwana, amai kana kuti mumwe mubatsiri, kana kusatenda muna Mwari

## Ko Islam inoona sei vakadzi?

Mulislam, varume nevakadzi vanoonekwa sevakafanana pamberi paMwari, (kana takatarisana nenyaya yekuti vachawana mibairo yakafanana uye bvunzurudzo dzakafanana dzemabasa avo). Allah, Musiki wevose varume nevakadzi, vakapa mabasa akasiyana siyana kune mumwe nemumwe wavo paine ongororo huru yemusiyano uri pakati pavo. Vakadzi vanoremekedzwa zvikuru, pasina kana kuvadzvanyirira.

Allah musiki wevose varume nevakadzi, vakapa mabasa akasiyana siyana kune mumwe nemumwe wavo paine ongororo huru yemusiyano uri pakati pavo.

## Ko pfungwa yokuti munhu anozvarwa aine chivi irimo here mulislam?

Pfungwa yokuti munhu anozvarwa aine chivi haimo mulislam. Mwari vanoyananisa, naizvozvo hapana munhu wavachabvunzurudza nezvechivi chaasina kubvira akaita.

## Ko chii chinombonzi Jihad?

Izwi rekuti Jihad rinoreva kushinga nekuzvipira muchitendero chemunhu nenzira iyo inofadza Mwari. Pamutauro chaivo rinoreva "kushinga" uye richireva zvakare kushingaira kwemunhu pakuita mabasa matsvene, kupa zvipo, kana kubatsira muhondo dzekudzivirira chitendero chelislam. Asi chirevo chinonyatsozvikana zvikuru pasi rose kubatsira muhondo dzekudzivirira idzo dzinobvumirwa nokuda kwekudzivirira chita chevanhu, kudzivirira nyaya yokupararira kwehudzvanziriri, uye kukurudzira nyaya yeruyaniso.

## Ko Islam inoregerera here nyaya yechitororo?

Muhondo, kurwisa vanhu vasina mhaka uye neavo vasina zvombo ibasa rakashata zvachose iro rakarambidzwa zvikuru nelislam. Zvekutoti muMuslim haabvumirwe kuparadza mimerwa kana mhaka pasina tsarukano, ko kuzoti kurwisa munhu asina mhaka. Uyu mufananidzo mumwechete chete kubva pamirairo yehondo yakaiswa mulislam. Naizvozvo, zvakakosha kuti tive tinokwanisa kupatsanura pakati pechitororo nekuramba hupambepfumi, nokuda kwekuti zviriri izvi zvakasiyana.

## Ko zvitendero zvese zvakafanana here?

Sezvo zvitendero zviri zvizhinji kwazvo zvine dzidziso dzakafanana maererano nezve tsika tsvene uye kuva munhu akanaka kune vamwe, nezvimwewo, pamusoro pezvose izvi Islam inonyanyotarisa nyaya yehukuru hwaMwari pasina kuregererana panyaya yeHumwechete hwake uye neKururama kwake. Ichiti siyanei nezvimwe zvitendero, Islam inodzidzisa kuti Mwari akatosiyana zvachose nezvisikwa zvake, uye ndiye chete anofanira kurumbidzwa uye nekushumirwa pasina mumwe zvakare. Islam chitendero chizere, chirinyore zvikuru asi chiine chiedza, chine gwaro rakachengetedzwa zvikuru, hachirambe kana mumwechete zvake paVaporofita vaMwari, asi kuti chinototsanangudza kuti Vaporofita vose vakauya neshoko rimwechete, rakafanana.

## Ko zvekudya zvinonzi Halaal ndezvipi?

Zvekudya zviri Halaal kana kuti Zvinobvumirwa, ndeizvo zvakabvumirwa naMwari kuti zvidyiwe nemaMuslim. Kazhinji zvekudya zvose uye nezvinwiwa zvinonzi zviri Halaal, kunze kwenyama yenguruve uye nedoro. Mhuka dzose dzinofanira kuchekwa nemunhu nenzira kwayo, zvichisanganisira kutaura zita raMwari panguva yekucheka uye kuedza kukamura marwadzo emhuka inenge ichichekwa.

## Ko ndiani anofanira kuva muMuslim?

Kuva muMuslim zvinoreva kugamuchira hukuru hwaMusiki uye kuvandudza nekuchengetedza hukama hwepedyo naye, zvichiburikidza nekumuteerera. Izvi zvinoita kuti munhu awane mufaro nekugutsikana pahupenyu hwanhasi nemangwana.

Allah vakazarura misiwo yelislam kune munhu wese zvake, pasina kutarisa mamiriro ake ekare neaikozvino. Naizvozvo munhu wese anokwanisa kuva muMuslim nguva ipi zvayo mushure mekutenda uye nekutaura mashoko ekupupura anoti:

"Ndinopa uchapupu kuti hakuna mumwe mwari anofanira kushumirwa pachokwadi kunze kwaMwari mumwechete, uye kuti Muhammad Mutumwa waMwari"

Kuva muMuslim zvinoreva kuti unenge wavakurarama hupenyu hune chinangwa, uye nezadziso chaiyo, apo unenge uine vimbiso yekupinda kuParadhiso risingaperi mune remangwana

# ISLAM MIBVUNZO NEMHINDURO

# MIBVUNZO INONYANYO BVUNZWA

### MUCHIDA KUZIVA ZVAKAWANDA UYE MUCHIDA ZVIMWE ZVIDZIDZO ZVAKADAI

p (+61) 3 9354-7500 w [islamicpamphlets.com](http://islamicpamphlets.com) e [shareislam@gmail.com](mailto:shareislam@gmail.com)

Zvitere maererano nerubatsiro (Dollar roga roga rapiwa serubatsiro rinogadzirisa nhaurwa dzakaita seidzi dzinokwana gumu nedzishanu)

Zita rebank: Commonwealth Bank Account: Pamphlet Project Australia  
BSB: 063620 Account: 10532332 Swift (International): CTBAU2S

Supreme Muslim Council of Zimbabwe  
Std No.19280 Unit N, Seke, Chitungwiza,  
Zimbabwe | P:00263772686584

Direct Aid – Africa Muslim Agency  
40 Greendale Avenue, Greendale, Harare,  
Zimbabwe | P:002634498345

## Dzidza zvidzido Zvemavambo

[islamicpamphlets.com](http://islamicpamphlets.com)



## **Ko** chinonzi Islam uye maMuslim ndevapi?

Islam inzira yehupenyu yakakwana uye yechizvarwa inokurudzira munhu kuti anyatso ongorora hukama huri pakati paMwari nezvisikwa zvake. Inodzidzisa kuti mweya inowana mufaro nerunyararo kuburikidza nekuita mabasa akanaka akabvumirwa naMwari uye anobatsira ruzhinji uye naiye munhu pachake.

Shoko reIslam ririnyore: kutenda nekushumira Mwari mumwechete wechokwadi, uye kubvuma kuti Muporofita Muhammad (Rugare Ngaruve Kwaari) akange ari Mutumwa waMwari wekupedzisira. Izwi rekuti “Islam” rinoreva kuvzipira kuna Mwari, uye vateveri vacho vanonzi ma’Muslim’, avo vanokwanisa kuva verupi rudzi zvaro.

## **Ndechipi** chinangwa chehupenyu?

Mwari haana kusika vanhu kuti vave vanotenderera nenyika zvisina maturo. Asi kuti, tine chinangwa chepamusorosoro – kuti tigamuchire uye tishumire Mwari chete, kuitira kuti tikwanise kurarama tichitevera gwara reMusiki wedu. Gwara iri rinoita kuti tikwanise kurarama hupenyu hune pundutso uye hwakakomborerwa, uye tigokwanisa kupinda kuParadhisu uye nekununurwa kubva kugehena. Muyedzo wepakutenda kwemunhu uri pakushandisa pfungwa yake mukufungisisa uye nekugamuchira micherechedzo yaMwari uye nekurarama achitevera gwara rake

Mwari akapa munhu sarudzo semuyedzo kuti aone kuti ndiani angatevera gwara rake nekuda kwake

## **Ko** Allah ndiani?

Allah izita raMwari mumwechete wechokwadi. Allah haana mubatsiri akafanana naye, vabereki kana vana. Chimiro chose chaAllah chakarurama sekuvakwake Musiki, Ane Nyasha zhinji, ndiye Samasimba, uye Muyanani, ane Hungwaru uye Anoziva zvose. Hakuna munhu kana chinhu chinobatsirana naAllah paHusha hwake nepachimiro chake, naizvozvo Ndiye ega anofanira kushumirwa pasina mumwe.

## **Ko** Muhammad ndiani?

Muhammad (Rugare Ngaruve Kwaari) ndiye Muporofita wekupedzisira kubva pamutorododo weVaporofita vakatumwa kuzoparidza kuvanhu kuti vashumire Mwari mumwechete. Akange ari baba, murume, mutungamiri uye muyananisi akarurama. Zvakare aiva mucherechedzo wakururama wemunhu akavimbika, anoyananisa, anenyasha uye akashinga. Kunyange zvazvo achiremekedzwa zvikuru, asi iyewo akangofanana nevamwe Vaporofita. Haashumirwe nemaMuslim.

## **Ndeupi** mwongo welslam?

Korani ndiyo mwongo wekutanga weruzivo rwelslam uye ndiyo hwaro hwemisimboli yedzidziso dzelslam. Sunnah ndiyo mwongo wechipiri, uye zviuru zvenhaurwa nemabasa aMuporofita Muhammad (Rugare Ngaruve Kwaari) sekutaurwa kwazvakaitwa nevadzidzi vake.

Sezvo nhaurwa dzavo dzinoongororwa huchokwadi hwadzo nguva dzose, dzinopa nzira chaiyo yakarurama yehupenyu uyu gwara rinotevera nemaMuslim. Dzidziso dzose dzelslam dzinovimba zvikuru nehumboo hunobva mumwongo miviri iyi.

## **Ko** Korani chii?

Korani igwaro rekupedzisira kuvanhu, uye igwara nepatsanuro pakati pechokwadi nemanyepo. Ishoko raAllah sekuzarurwa kwarakaitwa kuna Muporofita Muhammad (Rugare Ngaruve Kwaari) zvichiburikidza nengirozi yainzi Gabrieli uye richitsiva magwaro ekare akafanana neVhangeri neTorah. Rinotsanangudza zvinhu zvakawanda sechinangwa chekuva panyika; mafungiro akarurama nezvaMwari; mabasa anodiwa uye neasingadiwe naMwari; nyaya dzeVaporofita uye nedzidziso dzavo; bvunzurudzo yedenga, negehena, uye yezuva rekutongwa. Imwe yeminana mikuru yeKorani ndeyekuti rakachengetedzwa uye harina kubvira rakachinjirwa kubvira panguva yarakazarurwa kusvika nhasi raane makore churu chimwechete nemazana mana. Uye muKorani munowanikwa tsigiro dzezve Sainzi neNhoroo izvo zvakange zvisinga zivikanwa nevanhu venguva iyoyo uye zvakatozoongororwa ikozvino, unova umwe humboo hunotsigira kuti rakabva kuna Mwari.

## **Ko** misimboli yelslam ndeapi?

**Musimboli wekutanga:** Kupa Uchapupu – Kupupura kuti hakuna mumwe Mwari anofanira kunamatwa pachokwadi kunze kwaAllah uye kuti Muhammad Mutumwa wekupedzisira.

Mabasa chaiwo eIslam anozivikanwa kunzi: Misimboli mishanu

**Musimboli wechipiri:** Minamoto – inofanira kunamatwa kashanu pazuva roga roga: nguva yemambakwedza, masikati, manheru, zuva richangonyura, uye husiku.

**Musimboli wechitatu:** Kupa chipo – ichi chipo chinomanikidzirwa pamunhu gore roga roga kuti chipiwe kune vanhu vanotambura, mugovo wacho unova zvikamu zvimiri nechidimbu kubva muzana pahupfumi hwese hwemunhu. Chipi ichi chinobviswa chete neavo vanehupfumi hwakawanda hunodarikira zvinhu zvinodiwa nemunhu wese.

**Musimboli wechina:** Kutsanya mumwedzi weRamadhan – mumwedzi uyu maMuslim vanofanira kusadya nekunwa, uye kusasangana pabonde kwevakaroorana kubva panguva yemam

bakwedza kudzamara zuva ranyura. Uye vanofanira kugara kure nemabasa akashata.

**Musimboli wechishanu:** Kushanya – Kana muMuslim achikwanisa anofanira kushanyira guta reMecca riri kuSaudi Arabia kamwechete pahupenyu. Kushanya uku kunosanganisira munamoto, chikumbiro, chipo, nerwendo, uye iwongororo yepamweya nekuzvinipisa kwemunhu kunobatandiza maMuslim epasi rose.

## **Ko** maMuslim vanotenda vachiti kudii nezvaJesu nevamwe Vaporofita?

Zviuru nezviuru zveVaporofita zvakatumirwa naAllah, rudzi rwega rwega rwakatowanawo mumwechete, vaine mharidzo imwechete: yekushumira Allah chete uye kusamusanganisa nechimwe chinhu. Vamwe veVaporofita ava vanosanganisira Adhamu, Noah, Josefa, Abrahamu, Jakobo, Isaki, Mosesi, Jesu uye Muhammad (Rugare Ngaruve Kwavari vose). Jesu (Rugare Ngaruve Kwaari) akange ari mumwe weVaporofita vakuru vakatumwa naMwari Samasimba. Akazvarwa nenzira yemunana asina baba uye akaita minana yakawanda zvichiburikidza nemvumo uye nekuda kwaMwari.

## **Sei** zvinhu zvakaipa zvichiitika?

Mwari vanoedza munhu nenzira dzakasiyana uye zvichiburikidza nemiyedzo yakasiyana siyana. Miyedzo iyi inosanganisira hutano, mhuri, njodzi dzakasiyana siyana panyika, hupfumi, uye nedzimwe nzira. Kutsungirira panguva yedambudziko (kuva netariro), uye kutenda pamakomborero (zvichiburikidza nekushandisa makomborero nenzira inofadza Mwari), ndiyo nzira yekuva pedyo naMwari uye uchiwana hupenyu hweparadhisu usingapere. Chokwadi marwadzo nekutambura panyika ino ndezvenguva diki diki asi Paradhisu hupenyu husingaperi.

“Uyo akasika rufu nehupenyu kuti akuedzei kuti ndiani pakuti pernyu akarurama mumabasa ake – Iyeyo ndiye Anoremekedzeka, Anoregerera...”  
Korani 67:2

## **Ko** chii chichaitika mushure mekufa?

Rufu musuo kubva pahupenyu huno hupfupi pfupi kuenda ku hupenyu husingaperi. Munhu wese achamuka kubva mukufa kuzobvunzurudzwa musi wekutongwa. Musi uyu ndopachange paine kuyanani chaiko nokuti munhu wose akanganisirwa kana kudzvanyirirwa pahupenyu huno acharipwa uye nekuyanani naAllah, Anoziva zvose, Muyananisi mukuru. Kana munhu achirarama hupenyu hwakanaka uye hunoremekedzeka zvichiburikidza nekushumira uye nekuteerera Allah achapinzwa kuparachiso kuburikidza nenyasha dzake. Kana vakasarudza kusatenda gehena rakavimirira

Dai pasina hupenyu hwemangwana wekuti muiti wemabasa akanaka anopuwa mubairo uye muiti wemabasa akashata anorangwa, izvozvo zvingadai zvakapesana nekuyanani kwaMwari uye hupenyu hungadai husina kunakira vanhu vose